



«АНОР» да ДЎСТЛИК СМЕНАСИ

россиялик 100 нафар болажон ёзги таътилни
юртимиздаги оромгоҳда ўтказмоқда

Маълумки, бундан бир неча ой муқаддам Москвадаги Crocus City Hall концерт мажмуасида содир этилган теракт бутун дунё аҳли эътиборини торган ва унда тинч аҳоли жабрланган эди.

Яқинда мазкур қонли фожиадан жабрланган оилаларнинг бир гуруҳ фарзандлари, аниқроғи, 100 нафар болажон Тошкент

халқаро аэропортида тантанали кутиб олинди. Уларни Ўзбекистон касба уюшмалари Федерацияси ҳамда тегишли вазирлик ва идораларнинг масъул мутасаддилари ўзбекона илтифот билан қарши олишди.

Шундан сўнг Ўзбекистон касба уюшмалари Федерациясида меҳмонлар иштирокида учрашув ўтказилди. Федерация раиси

Қудратилла Рафиков ёш меҳмонларга юртимизда болажонларнинг жисмоний, интеллектуал ва маънавий камолотини юксалтириш бўйича кенг қўлмалли ишлар амалга оширилаётгани ҳақида сўзлаб берди. Ўз навбатида, россиялик болалар ҳам ёзги таътилни Ўзбекистонда ўтказишларидан, билдирилган таклифдан беҳад мамнунликларини изхор этинди.

– Бизни жуда илиқ кутиб олишди, – дейди 12 ёшли Лев Колчин. – Онам Ўзбекистонга борасанми, деганларида иккиланган эдим. Келишим билан қарорим хато бўлмаганини англадим. Уйлайманки, бу ердаги ёзги таътил мен ва дўстларим учун унутилмас бўлади.

Болажонлар Тошкент вилояти Бўстонлик туманидаги сўлим масканлардан бири «Анор» болалар соғломлаштириш оромгоҳига кузатилар экан, уларга спорт либослари ҳамда зарур техник воситалар тақдим этилди.

14 кунлик таътил давомида болалар вақтларини марокли ўтказишлари учун барча шароитлар яратилган. Хусусан, улар турли спорт тўғрақларида катнашишади. Турнирлар ўтказилади, таниқли спорт усталари уларга маҳорат дарслари ўтишади. Моҳир кўллар, расм чизиш,

ракс, театр, мусиқа, компьютер клублари, шунингдек, кутубхона уларга хизмат кўрсатади.

Сув тўлқинлари фестивали, комикслар, хорижий ва миллий кинолар ҳамда спектакллар намойиши, «Анор»да бахтли болалик» видео танлови ўтказилиши режалаштирилган.

Самарқанд шаҳридаги тарихий жойлар ва обидаларга қилинадиган экскурсиялар болаларда катта таассурот қолдиради, албатта.

Кунни кеча «Анор» болалар соғломлаштириш оромгоҳида дам олиш мавсумининг тантанали очилиш маросими бўлиб ўтди.

Тадбирда Ўзбекистон Республикаси Мактабгача ва мактаб таълими вазири Хилола Умарова болаларни қутлади.

Ўзбекистон касба уюшмалари Федерацияси раиси ўринбосари Бахтиёр Маҳмадалиев ва бошқалар болаларга мавсумни марокли ўтказишларини тилади.

Гўзал оқшом кўйинида янграган куй-қўшиқлар дўстлик ва бахтли болаликни тараннум этди. Ушбу мавсум бир овоздан «Дўстлик сменаси» деб номланди.

Россиялик болалар ва уларнинг тарбиячилари меҳмондўстлик ва ҳамкорлик, кўрсатилётган меҳр учун давлатимиз раҳбари Шавкат

Мирзиёев ҳамда халқимизга ўз миннатдорликларини билдиришди.

– Барча-барчаси учун раҳмат! – дейди Дарья Шевчук. – Мен Ўзбекистондек гўзал диёрга келганимдан беҳад хурсандман. Бу ерда ажойиб дўстлар орттирамиз, деб уйлайман. Ўзбекистонда, жумладан, ушбу оромгоҳда ўтган хар бир куним унутилмас бўлиб қолишига ишонаман.

Тадбирнинг очилиш тантаналарида Ўзбекистон Республикаси Бош вазири ўринбосари Зулайхо Маҳкаммова иштирок этди.

Ўз мухбиримиз



ИНСПЕКТОРНИ



НИМАЛАР ҚИЙНАМОҚДА?

Хоналар ёнма-ён бўлгани учун, меҳнат ҳуқуқ инспекторининг бир мурожаатчи билан ўзаро суҳбати қулоғимга чалинди.

– Ахир анча бўлди-ку ҳужжатларимни олганингизга. Нимага ҳалигача суд қуни белгиланмапти? – деди асаблари бироз таранглашган аёл.

– Опа, тушунинг, суд бўлиб ўтадиган кунни мен белгиламайман. Ўзлари айтишади бунди. Мен ҳам худди сиздек кутаятман ўша судни, – деди дона-дона қилиб инспектор.

– Телефонда сўраб турсам ҳам тайинли жавоб айтмайсиз... Марказдан анча узокда яшайман, биласиз. Менга ҳам осон эмас ҳадеб келиб-кетавериш.

– Овора бўлиб келманг, опа. Ўзим хабар берман, қуни аниқ бўлса.

Шу тарзда суҳбатга яқун ясалди. Хомуш тортиб қолган меҳнат ҳуқуқ инспекторининг ёнига бордим ва нима сабабдан бундай муаммо юзага келганини сўрадим.

– Бир ойда тахминан 10 тадан ошқ мурожаат келиб тушади, – деди Соғлиқни сақлаш ходимлари қасаба уюшмаси Республика кенгашининг Тошкент вилояти меҳнат ҳуқуқ инспектори Муҳаммадjon Рўзметов. – Уларнинг ичида камида 2-3 таси суд орқали ҳал бўладиган масалалар. Ўшанда жамоавий ёки яқка тарзда мурожаат қилганларнинг барча ҳужжатлари йиғилади. Иш берувчига қонунбузилиш ҳолатини бартараф этиш учун мудат белгилаб, тақдимнома ёки кўрсатма хати киритилади. Кейин ҳужжатларнинг ҳар бири электрон тарзда adolat.uz сайтига жойлаштириб чиқилади. Ўша ҳужжатлар суд томонидан батафсил кўриб чиқилгач, суд бўлиб ўтадиган кун белгиланади.

Фуқаролик процессуал кодексининг 192-моддасида «Судья аризани иш юритишга қабул қилиш тўғрисидаги, қабул қилишни рад этиш ёки қайтариш ёхуд судга тааллуқлиликка қўра бошқа судга ўтказиш ҳақидаги масалани ариза судга келиб тушган кундан эътиборан ўн кундан кечиктирмай яқка тартибда ҳал этади», деб белгиланган. Аммо шунга қарамай, аксарият ҳолларда adolat.uz сайтида ҳужжатларнинг қабул қилинганлиги ишораси кўринса-да, суд қуни белгиланиш кечиктирилади. Масалан, 29 апрелда бошқа бир иш бўйича барча ҳужжатларни киритганим. Аммо у кеч қабул қилинган етмагандай, суд қуни ҳам 11 июль кунига белгиланибди. Мана шундай ҳолларда иш юритувимдаги ишлар тақдирини билиш учун қилинган бир нечта эътирозли қўнғироқларга тайинли жавоб айтолмай қоляпман. Турган гапки, бу фуқароларда ўзига яраша асаб бузилиши, ишдан қолиб бу ерга келиш, йўл харажатлари каби сарсонгарчиликларни келтириб чиқаради.

Сайт баъзан қотиб ишлагани учун ҳужжатлар ўз вақтида қабул қилинмаслигини тушуниш мумкин, аммо суд қунининг жуда кеч белгиланишини қандай тушуниш мумкин?

Инспектор компьютерини очиб, ундаги adolat.uz сайти ва иш юритишдаги ҳужжатларни бирма-бир кўрсатди.

Аслида, қасаба уюшмалари тизимида меҳнат-ҳуқуқ ҳамда техника инспекторлари олиб бораётган ишлар кўзга кўринарли натижаларни бераётганлиги маълум. «Ishonch» газетасининг ҳар бир сонида «Қасаба уюшмаси аралашгач» рунки орқали бериб борилаётган, ижобий яқун топган ишлар бунга яққол мисол бўла олади.

Биргина Тошкент вилоятининг соғлиқни сақлаш тармоғини оладиган бўлсак, 5 ой давомида 50 га яқин мурожаат қабул қилинган. Меҳнат-ҳуқуқ инспекторининг сай-ҳаракатлари билан 289 нафар фуқарога 787 млн. 942 минг сўм миқдорда ўз вақтида тўланмаган устама, ойлик маошининг кечиктирилиши, нотўғри ҳисобланган таътиллари ва зарарли омиллар учун тўловлар ундириб берилган. Муаммосига ечим излаганларнинг иши ижобий ҳал этилса, мушқули осон бўлса, ишонч янада ортаверади.

Холида ЭГАМБЕРДИЕВА «ISHONCH»

Айни дамда Ўзбекистонда жами 1348 та меҳмонхона, хостел, уй меҳмонхоналари каби хизмат кўрсатиш объекти фаолият кўрсатмоқда. Уларнинг 30 фоиздан орттигини аёллар бошқариб келади.

Бу ҳақда Тошкентда ўтказилган «Марказий Осиё аёллари меҳмонхона бизнесида: замонавий талаблар ва истиқболлар» мавзусидаги халқаро конференцияда айтиб ўтилди.

Тадбирда USAID халқаро ташкилоти, Туризм қўмитаси ҳамда қатор халқаро давлат ва нодавлат ташкилотлари вакиллари иштирок этдилар.

«Меҳмонхона бизнеси туризм салоҳияти тобора ривожланиб бораётган минтақамиз учун катта аҳамиятга эга. Бу соҳада аёлларнинг сафи ортиб бораётгани «Тадбиркор аёл» халқаро ишбилармон аёллар ассоциациясига айни йўналишдаги янги лойиҳани амалга оширишга туртки берди.

Ассоциация USAID халқаро ташкилотининг «Тадбиркорлик ва бизнес муҳи-

тини ривожлантириш» лойиҳаси ҳамкорлигида «Меҳмонхона бизнесидаги аёллар: келажак меҳмондўстлик аънаналари» лойиҳасини амалга оширди.

– Ўзбекистонда Меҳмондўстлик соҳасида рақамлаштириш шулардан иборат: электрон назорат қилиш тизимлари, буларга Jovi, R-keeper тизимлари кирди, виртуал ёрдамчилар, booking каби чат ботлар, меҳмонларни ижтимоий тизимда руйхатга олиш, буларга e-mexmon.uz платформаси кирди, – дейди Sky Village меҳмон уйи раҳбари, тадбир иштирокчиси Соҳиба Юнусова. – Маркетинг ва ижтимоий тармоқ бўйича берилдиган рекламалар ҳамда меҳмонхонага хизмат кўрсатиш бўйича фирмалар, масалан, чойшаб,

ёстик кабиларни тикиш, меҳмонхона учун керакли мебель жиҳозларини тайёрлаш, бугунги кунда ижтимоий тармоқ орқали танлаш ва буюртма бериш мумкин. Бу ҳамманинг вақтини тежайди.

Мазкур лойиҳа меҳмонхона бизнесини бугунги замон талабига мос тарзда бошқариш кўникмаларини ўргатишга қаратилган. Тадбирда эгаланган билимлар иштирокчиларга янги ёндашувлар замонавий менежментга, меҳмонхоналар тизимининг барқарор ривожланишига, унинг фаолияти самарадорлигини оширишга ва янги миқозларни жалб қилишга ёрдам беради.

Маълум бўлишича, лойиҳа доирасида Самарқанд, Андижон вилоятлари ҳамда

Тошкент шаҳрида 115 нафар хотин-қиз учун 3 кунлик ўқув семинарлари ташкил этилган. Унда меҳмонхона бизнесига алоқадор – хостел, уй меҳмонхоналарида фаолият олиб бораётган ишбилармон аёллар меҳмонхоналарини замонавий бошқариш кўникмаларига ўргатилди.

Шунингдек, конференцияда маҳаллий иштирокчилар қаторида Қирғизистон ҳамда Тожикистон Республикаларининг ҳам шу соҳадаги хотин-қизлари иштирок этди. Бу лойиҳанинг аҳамияти қўшни мамлакат ишбилармон доиралари учун ҳам бирдек долзарб эканини кўрсатади.

Комила БОЙМУРОДОВА «ISHONCH»



Ўзбекистон Журналистлар уюшмаси ташаббуси билан Қасаба уюшмалари Федерациясининг Меҳнат ва ижтимоий муносабатлар академиясига пресс-тур ташкил этилди. Унда ОАВ вакиллари ва мустақил журналистлар иштирок этди.

АКАДЕМИЯ ЖУРНАЛИСТЛАР НИГОҲИДА



дан бири, – дейди академия проректори Азим Мирзажонов. – Биласизми, мазкур таълим муассасасини ташкил этиш жараёнида, энг аввало, меҳнат бозори пухта ўрганилди, меҳнат ҳамда ижтимоий муносабатлар соҳасида қандай кадрларга эҳтиёж юқори эканлиги таҳлил этилди. Талабалар амалиёт вақтида ҳудудларидаги қасаба уюшмалари ташкилотларида иш ўрганмоқда. Бугунги кунда Академияда кундузги бўлимнинг 1- ва 2-курсларида

жами 264 нафар, сиртки бўлимда эса 636 нафар талаба таҳсил олмақда.

Ўқув жараёнларини ташкил этиш учун 45 нафар профессор-ўқитувчи жалб этилган.

– Академияда барча аудиториялар интеллектуал доскалар билан жиҳозланган ҳамда интернет тармоғига уланган, – дейди академия бўлим бошлиғи Тошпўлат Холиқов. – Жами 33 та ўқув аудиторияси, шу жумладан, 3 та маърузалар зали мавжуд. Шунингдек,

90 ўринга мўлжалланган 6 та компьютер хонаси, 50 ўринга мўлжалланган электрон кутубхона, очик ва ёпиқ спорт мажмуалари, 200 ўринли ошхона талабаларга хизмат кўрсатмоқда.

Пресс-тур давомида ОАВ ходимларида электрон кутубхона, фанлар бўйича лабораториялар, спорт комплекси, ётоқхона ва ошхонадаги имкониятлар катта таассурот қолдирди.

320 ўринли талабалар тураржойи замонавий талабалар асосида бунёд этилган бўлиб, ундаги шарт-шароитлар, хоналарнинг жиҳозланиши уч юлдузли меҳмонхоналар учун белгиланган талабларга мос равишда амалга оширилган.

Қисқаси, давлатимиз раҳбари Шавкат Мирзиёев ташаббуси билан ташкил этилган мазкур академияда меҳнат ва ижтимоий муносабатлар, ишчи-ходимларнинг меҳнатга оид ҳуқуқ ва манфаатларини таъминлаш борасида салоҳиятли кадрларни тайёрлаш янги босқичга олиб чиқилди.

Феруза РАХИМОВА, Дийр ҒАНИЕВ (фото), «ISHONCH» мухбирлари



ТЕМИРЙЎЛЧИЛАР ФАРЗАНДЛАРИ ОРОМГОҲЛАРДА

Жорий мавсумда темирйўлчилар ҳамда транспорт қурувчилари ишчи-ходимларининг 5 минг нафар фарзанди «Қйрай», «Бурчмулла», «Темирйўлчи», «Янги авлод», «Аловуддин» каби оромгоҳлар ҳамда «Қўнғирот» санаторий-профилакторийсида тўрт навбатда соғломлаштирилади.

Дастлаб Қарши минтақавий темирйўл узели филиалига қарашли корхона, ташкилот ва муассасалар ходимларининг 100 нафар фарзанди Яқкабоғ туманида жойлашган «Сирли қойноқ» оромгоҳида жордик чиқаришди. Бўстонлик туманида жойлашган «Янги авлод» оромгоҳига 200 нафар болажон келган бўлишса, «Қўнғирот» санаторий-профилакторийси 75 нафар Оролбўйи ҳудудида яшовчи темирйўлчилар фарзандларини ўз бағрига олди. Болажонларни ҳар йилгидек шифокорлар кўриқдан ўтказиб, тарбиячилар қўлига топширдилар. Шу кун Бухоро минтақавий темирйўл узели ишчи-ходимларининг 311

нафар фарзанди «Сафеди» оромгоҳидан кўним топишди. 11 июнда Қўнғирот минтақавий темир йўл узели масъуллари билан биргаликда Оролбўйи ҳудудида яшовчи темирйўлчилар фарзандларидан 407 нафари «Қйрай» болалар соғломлаштириш оромгоҳига юборилди.

Эътиборли томони, ушбу жараёнларни Темирйўлчилар ва транспорт қурувчилари қасаба уюшмаси Республика кенгаши ва «Темирйўл ижтимоий хизматлари» муассасасидан бириктирилган масъуллар юқори даражада ташкиллаштиришпти.

Назокат НУРМАТОВА

ТАДБИРКОР АЁЛЛАР АНЖУМАНИ

Тошкент шаҳрида 115 нафар хотин-қиз учун 3 кунлик ўқув семинарлари ташкил этилган. Унда меҳмонхона бизнесига алоқадор – хостел, уй меҳмонхоналарида фаолият олиб бораётган ишбилармон аёллар меҳмонхоналарини замонавий бошқариш кўникмаларига ўргатилди.

Шунингдек, конференцияда маҳаллий иштирокчилар қаторида Қирғизистон ҳамда Тожикистон Республикаларининг ҳам шу соҳадаги хотин-қизлари иштирок этди. Бу лойиҳанинг аҳамияти қўшни мамлакат ишбилармон доиралари учун ҳам бирдек долзарб эканини кўрсатади.

Комила БОЙМУРОДОВА «ISHONCH»

Халқаро конференция



Жараён

СИФАТЛИ АЪЛИМ - АРАҚЎИЁТ ГАРОВИ



Ғафуржон МУҲАМЕДОВ,
Чирчиқ давлат педагогика
университети ректори,
профессор

Кейинги йилларда республикамиз ижтимоий-иқтисодий соҳаларида кенг қамровли ислохотлар амалга оширилмоқда. Хусусан, таълим, янада аниқроқ айтганда, педагогика соҳасида ҳам.
Давлатимиз раҳбари Шавкат Мирзиёевнинг 2022 йил 21 июндаги «Педагогик таълим сифатини ошириш ва педагог кадрлар тайёрловчи олий таълим муассасалари фаолиятини янада ривожлантириш чора-тадбирлари тўғрисида»ги қарори педагогик таълимни янги bosқичга олиб чиқишда муҳим қадамлардан бири бўлди.

гоҳларни ўрганмаётгани, ҳоким ва вазирлар ўртада кўприк бўлиб, буни ташкиллаштирмаётгани ҳақида жиддий эътирозлар билдирилди.

Очилишни айтганда, давлатимиз раҳбарининг эътирозлари ўринли. Чунки олий таълим муассасалари фундаментал тадқиқотлар ўтказиш билан чеклангани, иқтисодиёт учун амалий ишланмалар жуда камлиги ҳеч кимга сир эмас. Кадрлар тайёрлашда олий таълим муассасалари ҳамда тегишли ташкилот ва корхоналар ўртасида академик мобилликни, ўзаро ҳамкорликни йўлга қўйиш муҳим аҳамиятга эга, албатта.

Ушбу вазифаларни амалга оширишда механизм ва кўрсаткичларни ҳамда натижаларни ўзида жамлайдиган аниқ стратегия ишлаб чиқиш зарур.

Чирчиқ давлат педагогика университетида узоқ ва ўрта муддатга мўлжалланган **«Синергетик педагогик таълим инновацион кластери асосида ривожлантириш»** стратегияси ишлаб чиқилган. Чунки **«Мукамал стратегия - тараққиёт гарови»** ҳисобланади.

Стратегияда мактабгача, мактаб ва мактабдан ташқари таълим муассасаларининг тарбиячиларга, бошланғич синф ўқитувчиларига, айниқса, аниқ фанлар ва чет тиллари бўйича ўқитувчиларга бўлган эҳтиёжларини қондириш, туманлар ва қишлоқ жойларидаги таълим муассасаларини юқори малакали педагог кадрлар билан таъминлаш ҳамда халқаро стандартлар даражасига мос олий маълумотли педагогик кадрлар тайёрлаш тизимини янада такомиллаштириш, таълим сифатини илғор хорижий таълим таъриблар ҳамда рақамлаштириш технологиялари ёрдамида ривожлантириш кўзда тутилган.

Стратегиянинг шiori **«Барчаси шу ердан ва шу ондан бошланади»**, деб номланади. Бу таълим олиш макон ва вақт танламаслигини аниқлаётди.

Университетнинг узоқ ва ўрта муддатли стратегиясининг **асосий устувор вазифалари** қуйидагилардан иборат:

илғор илмий тадқиқотлар олиб бориш; инновацион экотизимни яратиш; педагогик таълим инновацион кластери шакллантириш;

юқори малакали ходимлар таъминотини яхшилаш; ахборот инфратузилмасини такомиллаштириш; иқтисодий ва молиявий модель ишлаб чиқиш.

Илғор илмий тадқиқотлар олиб боришдан асосий мақсад - касбий, ижтимоий ва иқтисодий талабларни ҳисобга олган ҳолда, узлуксиз педагогик таълимнинг мазмун ва мақсадини янада янгилашдан иборат.

Университет илмий-тадқиқот фаолиятининг 70 фоизи илмий-тадқиқот марказларида амалга оширилади. Улар университетда ресурсларни жамловчи, магистратура ва докторантура даражасида ўқув дастурларини амалга оширувчи бўғинлар ҳисобланади.

Университетда диагностика, прогнозлаш ва таҳлилий тадқиқотлар натижалари асосида юқори кўрсаткичларга эга олимлар раҳбарлигида долзарб муаммоларни ҳал қилувчи янги қўшма марказлар ва етакчи хорижий олий ўқув юртлиги, илмий ташкилотлар ва юқори технологияли компаниялар билан қўшма лабораториялар ташкил этилади.

Узоқ муддатли стратегик режа бўйича 2030 йилга бориб, илмий тадқиқот ва ишланмаларнинг йиллик ҳажми 20 миллиард сўмни, хорижий университет, илмий ташкилот ва компаниялар билан қўшма илмий лойиҳалардаги университет улуши камида 50 фоизни ташкил этади.

Университетда инновацион маҳсулотларни бозорга олиб чиқишнинг барча bosқичлари қўллаб-қувватланади. Жумладан, университетнинг истиқболли илмий-техник ишланмалари бўйича маркетинг тадқиқотлари, интеллектуал фаолият натижаларининг инновацион потенциалини баҳолаш ва уларни ҳуқуқий ҳимоялаш, чет эл патентларини олиш, илмий-техник маҳсулотларнинг моделлари ва таъриба нусхаларини яратиш ҳамда уларни тижоратлаштириш ривожлантирилади.

Яқин йилларда инновацион фаолиятни қўллаб-қувватлаш ва интеллектуал фаолият натижаларини ҳуқуқий ҳимоя қилиш орқали ҳар йили 20 дан ортиқ патент ва сертификат олиш кўзда тутилган.

Маълумки, педагогик таълим сифати - аби-

туриентлар сифати (кимлар ўқитилади), таълим дастурлари сифати (нималар ўқитилади), профессор-ўқитувчилар сифати (кимлар ўқитади), таълим технологиялари сифати (қандай ўқитилади), моддий техник таъминот ва лабораториялар базаси сифати (қайси воситалар ёрдамида ўқитилади), ижтимоий-маданий муҳит сифати (қаерда ўқитиш) ҳамда иш бевуқчилик сифати (кимлар учун ўқитиш) билан белгиланади. Шундай экан, педагогик таълимни янги bosқичга кўтариш, юқори малакали кадрларни тайёрлаш учун мотивацион механизмларни ишлаб чиқиш зарур.

Бизнинг университетда бундай механизм сифатида **«Педагогик таълим инновацион кластери»**ни шакллантириш лозим деб топилган ва бунда масофавий технологиялар асосий ўринни эгаллайди.

Университетда илмий тадқиқот ва таълим узвий ҳолатда олиб борилади. Бу эса илмий салоҳият ва соҳа ривожига хизмат қилмоқда, албатта.

Стратегияда университетга юқори мотивацияга эга бўлган абитуриентларни жалб этиш масаласига алоҳида эътибор қаратилган. Бунинг учун таълим даргоҳида иш бевуқчилигининг фаол иштироки орқали касбга йўналтириш борасида турли тадбирларни ўз ичига олган «Карьера куни» мақсади ва давомли амалга оширилади.

Магистратурага кирувчилар сифатини ошириш мақсадида университетда махсус мослашувчан масофавий дастурлар кўзда тутилди. Бундай дастур келгусида олий таълимнинг бакалаврият bosқичини республиканинг ва чет эл олий ўқув юртлигида тамомлаган энг яхши битирувчиларини танлаб олиш имконини яратди.

Юқори малакали илмий ходимлар тайёрлашнинг узлуксиз тизимини яратишда қуйидаги мантйик узвийлик самарали ҳисобланади: мактаб - лицей (касб-хунар коллежи) - бакалаврият - магистратура - докторантура.

Урта умумтаълим муассасалари билан ҳамкорликда танлов, тадбир ва олимпиадалар ўтказиш ҳам, касбга йўналтириш ишлари фаол амалга ошириш ҳам яхши натижалар беради. Бу нафақат тадқиқот йўналишларини кенгайтириш, балки илмий-тадқиқотга

лаёқатли, иқтидорли педагог ходимлар, бўлажак магистр ва докторантларни топшиш ҳамда уларни қўллаб-қувватлаш тизимини шакллантиришда кўл келади.

Узлуксиз педагогик таълимни ривожлантиришнинг муҳим шarti - мутахассисларни сифатли тайёрлаш учун барча турдаги ресурсларни такомиллаштиришдан иборат. Бу борада, яъни узлуксиз педагогик таълимни ресурслар билан таъминлашни такомиллаштириш орқали университетда **ахборот инфратузилмаси** яратилади.

Узлуксиз педагогик таълимнинг ахборот таъминотини ривожлантириш стратегияси рақамли технологияларга bosқичма-bosқич ўтиш зарурлигини назарда тутди. Масофавий таълимда рақамли технологиялар имкониятида янада самарали фойдаланиш мақсадида мувофиқдир.

Чирчиқ давлат педагогика университети халқаро даражадаги тадқиқот университетига айлантириш - бош мақсадларимиздан бири. Бу эзу мақсадини амалга ошириш учун университетда прогноз-аналитик тадқиқотлар асосида таълим ва илмнинг устувор йўналишларини шакллантириш тизими ишлаб чиқилади ва амалиётга жорий этилади.

2030 йилгача университетни халқаро даражага олиб чиқиш вазифасини бажаришда «Халқаро даражадаги педагог» дастури амалга оширилади. Бунда университет фаолиятини илмий кўрсаткичлари юқори бўлган чет эллик ва ўзбекистонлик олимлар жалб этилади. Бунинг учун университетда ИТМ сўровига асосан ишга қабул қилиш хизмати яратилади. Узоқ муддатли шартномага асосида хориждаги етакчи олий ўқув юртлиги ва илмий муассасаларда таъриба орттириш, таниқли олимлар ишга таклиф этилади.

«Университетни педагогик таълим инновацион кластери асосида ривожлантириш» стратегиясида кўзда тутилган биз қатор мақсад ва натижаларга эришиш, албатта, эришмиз. Чунки шундай дейишимизга асос ва ҳаракат бор.

Бугун мамлакатимизда бунёдкорлик шабадаси кириб бормоган ҳудуд қолмади ҳисоб. Бу ҳар тарафлама яхши (иш ўрни яратилади, одамлар уй-жойли бўлади), албатта. Аммо шу ишлар рисоладагидек бўлмаётгани кишини жиддий хавотирга солади. Ҳозир нима кўп - қурилиш билан шуғулланувчи хусусий корхона кўп. Лоф бўлса ҳам, агар қоқилиб, йиқилсангиз, бирининг устига тушасиз. Лекин уларнинг ҳаммаси ҳам кўнгилдагидек иш олиб борапти, деб бўлмайди.

Масаланинг оғрикли тарафи ҳам шунда - ҳозирги қурувчиларнинг кўпи бошқа соҳа одамлари. Хуллас, «мўмайгина даромад топаман», дегани борки - тушунса-тушунмаса, қурилиш билан шуғулланмоқда. Бунинг жабрини эса бошқалар тортмоқда. Халқимизда «чумчүк сўйса ҳам, кассоб сўйсин», деган ибора бор. Бу гап бежиз айтилмаган.

Яқинда эълон қилинган статистик маълумотларга кўра, мамлакатимиз аҳолисининг 70 фоизга яқин қисми сейсмик фаол ҳудудларда яшайди. Баъзи кўп қаватли бинолар ва минглаб яқка тартибдаги уйлар шу ҳолат ҳисобга олинмай, бу ҳам етмагандек, қурилиш норма ва қоидалари бузилган ҳолда қўтарилган. Хавотирлиси, мана шу объектларнинг 70 фоизи зилзилага бардош беролмайди.

Одамни ваҳимага соладиган яна бир гап: соҳа мутахассисларнинг айтишича, охири ўн йилликда қурилган бинолар муштак талабга жавоб бермайди. Улар узоққа бормади - бошқатдан қурилади.

Ҳўш, нега шундай? Янги бинолар шунчалик мўрт экан, нима учун бунга ҳеч ким индамайпти? Бу ишларнинг охири алаоқибат вой бўлмайди?

Тегишли конунчиликка кўра, бирининг пойдевори бошланган кундан унинг назорати олиб борилади. Бунга маъсул ташкилотлар бор. Амалда бунинг тексарисини кўриямиз. Кўп ҳолларда қурилиш обдон битандан сўнг номигагина текширилиб, ижобий хулоса берилаётган ҳолатлар кўп. Айниқса, бу хусусий компаниялар томонидан қурилатган иншоотлар билан боғлиқ жараён.

Кузатувларда гувоҳ бўляпмиз. Айни хусусий тадбиркорлар томонидан қурилатган биноларнинг назорати жуда сусти олиб борилади. Бирор-бир бино обдон битиб, фойдаланишга топшириш арасида тегишли мутахассислар томонидан шунчаки кўздан кечириляпти, холос. Аниқланган камчиликлар юзасидан қурилатган чоралар ҳам озғакки тушунтириш ёки кўрсатма бериш билан қиёяланяпти.

Масалан, Қурилиш ва уй-жой коммунал хўжалиги вазирлиги берган маълумотларда келтирилишича, 2023 йилда ҳудудий назорат инспекциялари томонидан жами 36 минг 245 та қурилиш объекти (шундан 13 минг 881 таси давлат дастурлари бўйича, 22 минг 364 таси тадбиркорлик объектлари) қурилиш-монтаж ишлари назоратга олинган ва 35 минг 198 таси рўйхатдан ўтган. Мазкур объектларда жами 111 минг 413 маротаба назорат ишлари амалга оширилган.

Ҳудудий инспекциялар томонидан объектлар қурилишида аниқланган камчиликларни бартараф этиш бўйича 78 минг 129 та (шундан, 29 минг 663 та пудратчига, 26

минг 90 та буюртмачига ва 22 минг 376 та лойиҳа ташкилотчисига) ёзма кўрсатмалар берилди. Шундан, жами 63 минг 685 та (24 минг 378 та пудратчига, 21 минг 215 та буюртмачига ва 18 минг 92 та лойиҳа ташкилотчига) ёзма кўрсатма бартараф этилган.



Барчаси Бадастирми?

ёхуд бунёдкорлик соҳасида жиддий назорат ўрнатиш зарурати хусусида

Ёзма кўрсатмаларни белгиланган муддатда ижросини таъминламаган 7 минг 597 нафар (шундан, 2018 та пудратчи, 4575 нафар буюртмачи ва 1004 та лойиҳа ташкилоти) мансабдор шахсга нисбатан маъмурий («Маъмурий жавобгарлик тўғрисида»ги Кодекснинг 99-моддаси бўйича) жавобгарлик белгиланган. Шунингдек, 2 минг 91 та объектида қурилиш-монтаж ишлари тўхтатилган. Шундан 616 тасида буздириш ишлари олиб борилган.

2024 йилнинг ўтган даврида ҳудудий назорат инспекциялари томонидан 29 минг 174 та қурилиш объекти (шундан 9 минг 466 таси давлат дастурлари бўйича, 19 минг 708 таси тадбиркорлик объектлари)да қурилиш-монтаж ишлари назоратга олинган ва 26 минг 310 таси рўйхатдан ўтган. Аниқланган камчиликлар юзасидан 40 минг 933 та (шундан, 14 минг 238 нафар пудратчига, 15 минг 316 нафар буюртмачига ва 11 минг 379 нафар лойиҳа ташкилотчисига) ёзма кўрсатма берилди. 3 минг 531 нафар (шундан 1 минг 122 нафар пудратчи, 1 минг 945 нафари буюртмачи ва 464 нафари лойиҳа ташкилотчиси) мансабдор шахсга нисбатан маъмурий жавобгарлик тайинланган.

Бу маълумотлардан маълум бўляптики, юқоридаги хавотирларда жон бор. Демак, ҳар қандай қурилишни пойдевори бошланган кундан бошлаб, жиддий назорат қилиш лозим. Токи иншоот пойдеворидан тортиб, том қисмигача мустаҳкам бўлсин.

Яқинда (17.04.2024) «Бино ва иншоотларнинг зилзилабардошлигини ошириш ҳамда сейсмик хавфини мониторинг қилиш фаолиятини такомиллаштириш чора-тадбирлари тўғрисида»ги Президент қарори эълон қилинди. Унда

Мулоҳаза

қуйидагилар белгиланди:
2024 йил 1 июндан МСК-64 шкаласи бўйича 8 ва ундан юқори баллик сейсмик фаол зоналарда янги қурилиш режалаштирилётган 5 қаватдан юқори тиббиёт объектлари ҳамда 9 қаватдан юқори биноларни актив сейсмик ҳимоялаш қурилмалари, шу жумладан, сейсмоизоляция ва демпфер ускуналари билан лойиҳалаш амалиёти йўлга қўйилади.

2024 йил 1 июндан янги қурилиш режалаштирилётган хавфлилик омили III-IV тоифа бўлган объектларнинг ҳудудинг зилзилалар кучини кўрсатиб бевуқчи минтақавий акселерограммалар базалиридан келиб чиқиб лойиҳалаш ва қуриш тартиби жорий этилади.

2024 йил 1 июндан янги қурилиш режалаштирилётган хавфлилик омили III-IV тоифа бўлган объектларда газ ва электр тармоқларини кучли зилзила пайтида автоматик блоклаш тизими билан лойиҳалаш тартиби жорий этилади.

2024 йил 1 июлгача техник ҳолати қониқарсиз, деб топилган мавжуд бино ва иншоотларни «компенсацион инъекция технологияси орқали мустаҳкамлаш ва деформацияни олдинги ҳолатига қайтариш» услуби орқали қайта тиклаш ишлари таъриба тарихида амалга оширилади.

2024 йил 1 майдан зилзила хавфи ва прогнозига оид хулосаларни ҳар ойда жойлардаги ҳокимликларга киритиш амалиёти йўлга қўйилади. Зилзила муҳандислиги олимлари ассоциацияси ташкил этилади.

Балки вазият энди ўзгарар. Ҳар ҳолда, қарордаги талаблар амалда ўз ифодасини топса, қурилиш соҳасида жиддий ислохотлар юз беришига ишонч бор.

Ғулмжон МИРАХМЕДОВ
«ISHONCH»

Ички туризм

«Ўзбектелеком» акциядорлик компанияси Навоий филиали ҳамда касабга уюшма қўмитаси шаҳар ва туман телекоммуникация боғламалари ходимлари учун Бухоро вилоятидаги зиёратгоҳларга саёҳат уюштирди.

Шариф шаҳар таассуротлари

Ушбу ташаббус ходимларнинг маънавий қадриятлари ва маданий даражасини мустаҳкамлаш, шунингдек, уларнинг жамоавий ҳамжиҳатлигини оширишга қаратилган. Саёҳат иштирокчилари Баҳоуддин Накшбанд макбараси, Поини Калон мажмуаси, Исмоил Сомони макбараси каби бир қатор муҳим тарихий масканларни зиёрат қилишти. Ушбу маданий аҳамиятга эга масканлар ходимларга ҳудуднинг тарихий меросини чуқурроқ англаш, маданий аъёнлари билан алоқаларини мустаҳкамлаш имконини берди.

Ташкилотчилар таъкидлаганидек, бундай тадбирлар нафақат ходимларнинг маънавий бойишига, балки жамоавий ҳамжиҳатлигини мустаҳкамлашга, янада самарали меҳнат қилишлари учун қулай муҳит яратишга ҳам хизмат қилади.

Саёҳат давомида иштирокчилар таассуротлар билан ўртоқлашиш ва жамоа руҳини мустаҳкамлаш имкониятига эга бўлишти, бу эса уларнинг касбий фаолиятига ижобий таъсир кўрсатади.

«O'zbektelekom» акциядорлик компанияси ахборот хизмати



Эълонлар
Янгийўл туманидаги «PRIME COMMERCIA» масъулияти чекланган жамиятининг думалок муҳри йўқолганлиги сабабли бекор қилинди.

Янгийўл туманидаги Яқка тартибдаги тадбиркор «GULAMOVA KUNDUZ RAKSIBAYEVNA» номига берилган думалок муҳри йўқолганлиги сабабли бекор қилинди.

Куйи Чирчиқ туманидаги «FORTUNA ISHONCH PLYUS» масъулияти чекланган жамиятининг думалок муҳри йўқолганлиги сабабли бекор қилинди.

«Invest Finance Bank» АЖ Зангиота филиали банк балансида бўлган, Тошкент вилояти Тошкент тумани «Халимқўп» МФЙ Зиёкор кўчасида жойлашган 11-уйни сотабетганини маълум қилади.
Талабдорлар мазкур кўчмас мулкни сотиб олиш учун Тошкент вилояти Зангиота тумани Мустақиллик кўчаси 2-уйда жойлашган «Invest Finance Bank» АЖ Зангиота филиалига (тел: (977)24-91-92, (70)975-29-71) мурожаат қилишлари мумкин.

